

Wänn in Benke und Kaltbrunn, - no meh wird baut, - chönds fusionierä  
S Bahn, Umfahrigsstross , - muess herä, - als will mer optimierä  
Soviel neu Lüt, - müesti üses Chligwerb, - doch beläbe  
Jedoch in üsnä Gschäfte, - Beizä, Stammtisch, - tuesch dänä nöd begägnä.

Mir würdets EW Kaltbrunn, - nominiere, - für dä Wirtschaftspries  
Viel neu Liegeschafte, - subere Strom, - isch doch en Bewies  
Nur bi Kiosk und Rössli, - bi Alkoholteschtchäuf, - chömmet sie in Bedrängnis  
Fürs glich Vergehe, - in Amerika, - chämtisch glatt is Gfängnis.

Im Radio DRS, - erstellets, - e Blasmusiktabälle  
Mir gratulieret, - em Sieger, - dä Gaschterländer Blaskapällä  
Warum sind die so speziell, - mir sind doch au nett, - mir wüsset's nonig  
Vielleicht meh Zyt, - hät zum üebä jetzt, - dä Thoma Toni.

Scharfi Kantä, - rollends Gröll ir Stägä, - mir sind entsetzt  
Mir chönd nur hoffä, - das sich niemer , - schlimm verletzt  
Zahner Gartä, - im Altbreitä, - Spielplatz neu saniert  
Pflotsch uf de Augä, - bi der Abnahm, ---- oder Behördä, - zum reklamierä sich  
schiniert.

Nöd is Bahnhöfli zum Höck, - hät sich dä Chlaus, - ächt verlaufä  
I r Bänknerstross, - pünktlich, - isch er det i troffä  
Chlaus isch Chlaus, - Beiz Lokal, - für Turnerinne einerlei  
Nümä Rolf, - nei Bruno Steiner, - isch dä neuschi Schrei.

### ***Ich wandre ohne Sorgen in den neuen Morgen***

A Nacht im WC, - im Lager als Schüeler, - use glo dänn erscht am Morgä  
Für d' Lehrperson, - känn schönä Fall, - do muesch di Sorge  
Vor Schuelgmeind wirsch belohnt, - dä Fall behandelt, - mit gröschter Diskretion  
Frei wie nes Vögeli, - gnüsst jetzt s' Vögeli, - die vorzytigi Pension.

Im höchä Alter, - autofahre, - birgt es Risiko  
Ä neu Bülä, - en Chraz am Chare, - weisch aber nöd vo wo  
Ich fahre nur, - ir nöcherä Umgäbig, - isch doch en Garant  
Blöd nur, - häsch nebem Huus, - en Wasserhyd(e)rant.

So schnell wie umfahre, - schüsst i d Luft, - e Wassersülä  
Füürwehr und Polizei, - vor em Huus, - es isch zum hülä  
Selbscht Erkänntnis, - Hangartner Hans isch, - zur Vernunft dä erschti Schritt  
Git druf dä Uswies ab, - mit achtänünzgi, - freiwillig und ohni Strit.

Wick ade, - Liechti isch nöm, - das tuet nöd weh  
Die stolzi Chäsi aber, - das isch schlimm, - die gits nöm meh  
Milch gholt ab Hof, - isch schön bequem, - d' spot tüends Buure tscheggä  
Was sie am meischtä tüend bedure, - isch de Verluscht, - vo ihrem Rätschi-Eggä

Mälchä git kei Geld, - i neu Betriebszwyg, - muesch investierä  
Diräkt ab Hof, - Strom erzügä, - am beschtä komposchtierä  
Um s' Projekt, - z' finanzierä, - bruchsch en hufä Moos  
Als chli Saviri vo Kaltbrunn, - wird er's ha, - dä Kari Roos.